

## 台灣話真好聽

■黃慧芳

台灣話實在真好聽，講一起來若（ná）咧唱歌。

台灣話有八聲七調，講出來懸懸下下（kuân-kuân-kē-kē），聽一起來嬌（suí）閣自然；佇無全款的動作，就有無相像（sio-siāng）的表情，連聲調嘛著變來變去。用台灣話來請安相借問，上有人情味，一聲「勢（gâu）早！」、「食飽--未？」共（kā）逐（tāk）家的感情攏連結做伙，厝邊隔壁無論阿伯、阿姆，若出喙講台語逐家親像全一家伙的人。

台灣話是上蓋（kài）斯文的言語，諺語、俗語俗孛譎仔話（giat-khiat-á-uē），講一起來嘛真趣味，你若拄著代誌袂順序，講一句「拍斷手骨顛倒勇」是誠（tsiānn）好的鼓勵；若是讀冊無認真，大人就會講「少年袂曉想，食老就毋成樣」；若是逐个傷（siunn）吵就會講恁「墓仔埔放炮，吵死人」；若是日子想欲較清閒，有這句「時到時擔（tng），無米才來煮番薯湯」的氣魄，生活自然就輕鬆仔過。其實，古早俗語是古早樣，舊台灣嘛愛傳予（hōo）新台灣，台語文化毋通斷，現在俗語嘛著愛予伊生淡（thuann）。

台灣是咱的土地，芋仔、番薯愛結合，語言袂使無公平，台灣母語著愛挽回，祖孫仔若無法度對話，致到鴨仔聽雷的時

陣，就出問題--啦；上蓋（kài）可憐是老大人佻孫講話著愛用臆--的，祖公仔留--落來的言語，囡（kiānn）孫哪會使放袂記--得？這款讞古（hàm-kóo）的代誌，是欲狼狽到底時--咧？祖先的智慧無地（tè）比，文化的遺產愛維持，台灣話，咱就緊共伊學--起來。

節錄自臺灣閩南語朗讀文章選輯第 029 篇